

IM PILIH ISA 16 (e-mel)

BINCANG...
(dari kiri)
Anthony
dan Zainul
berbincang
dengan
Daing Nasir
mengenai
kerjasama
antara UMP
dan NSTP
sambil
diperhatikan
Rosli
(kanan).



Delegasi UMP kunjungi NSTP

KUALA LUMPUR: Dalam usaha mengeratkan hubungan baik dengan media serta bekerjasama dalam pelbagai program, pengurusan tertinggi Universiti Malaysia Pahang (UMP) mengadakan lawatan ke Balai Berita, The New Straits Times Press (M) Berhad (NSTP) di sini, semalam.

Lawatan yang diketuai Naib Canselornya, Prof Datuk Dr Daing Nasir Ibrahim itu disertai Timbalan Naib Canselor (Akademik dan Antarabangsa), Prof Dr Sabarudin Mohd; Timbalan Naib Canselor (Penyelidikan dan Inovasi), Prof Dr Rosli Mohd Yusoff; Ketua Timbalan Pendaftar UMP, Datin Faiza Ali dan Pegawai Perhubungan Awam dan Media UMP, Nadzariah Mohamed.

Kunjungan itu bertujuan menjalin hubungan dengan akhbar kumpulan NSTP, iaitu

Berita Harian, Harian Metro dan New Straits Times bagi membentuk hubungan kerjasama antara UMP dan organisasi media.

Hadir meraikan rombongan UMP ialah Ketua Pegawai Eksekutif (CEO) NSTP, Datuk Anthony Firdaus Bujang; Pengarang Urusan Kumpulan NSTP, Zainul Arifin Mohammed Isa; Pengarang Kumpulan Berita Harian, Mior Kamarul Shahid; Pengarang Unit Pendidikan Berita Harian, Zainor Said dan Pengurus Kanan Pembangunan Pengeluaran, Szali Hashim.

Pada sesi dialog yang diadakan, Zainul Arifin, berkata pensyarah universiti tempatan digalakkan menulis serta menghantar artikel mengenai bidang masing-masing untuk di-siarkan.

Katanya, walaupun kini ada di kalangan pensyarah sudah melakukannya tetapi masih tertumpu pada universiti yang sama saja.